

اسلام بروجی

سلمانلرک فائده سنه جالیشیر . . . اون بش کونده برچقار

مای: ۱۴ — ۱۶ ذی الحجہ ۱۲۳۲ — ۲۳ تشرین اول ۱۲۳۰ میل: ۱

قرآن کریم

وايديكم الى المرافق وامسحوا برؤسكم وارجلکم الى الکعبين . . آيت کریمه .
 سندن ، ال و آياقلاړک بيقانمسي ده آيدسيک ارکانندن اولديغي آکلاشيلور .
 چونکه بونلر ايله امر ايديلور ، بوامر ده عموم ايجوندر . فقط ال و آياقلاړي
 بولونمیانلر بوامر ايله مخاطب اولمازلر . بونلر طبيعته : نصک دائره شمولندن
 خارجدرلر . فقط بونلرک يني ال و آياقلاړي بولونمیانلرک نصک دائره شمولندن
 خارج قالملري شبهه سزد که نسخ کي نصه عائد بر عارضندن دولاي دکدر .
 بلکه اصل بونلرک ، نصک دائره سته داخل اوله بيلمک استعدادنده بولونميدقلر .
 ندن دولاييدر ؛ بناء عليه بونلرک فعلی ساقط اولوب نصده بونلر حقنده
 ساکت در و مرتفعدر . ال و آياقلاړي بولونمسي اولسه ايدي ، البته بونلر ده
 نصک شمولي دائره سته داخل اولورلر ، نص ، بونلر حقنده ده ناطق اولوردي . .
 مانحن فیه مزده عين حال واردر : عصر سعادتده مؤلفه قاويه اعطای
 صدقه حسن صاييلوردي . آنکچون بوفعل « والمؤلفه قلوبهم . . » نظم جليلک
 شموله داخل اوليوردي . فقط صوکرالري بو حسن زائل اولديغندن نصک
 شموله داخل اوله بيلمک استعداديغي غائب ايمش ايدي . آنکچون نصده
 بونلر حقنده ساکت بولونيوردي . .

ملیم ثابت

مدافعه

انتقاده جواب

برکله اويونجاغي — تدليس دکل تنوير — تناقض وادي بوقی ؟ — تکليفک
 تعريف و مباحک بو تعريفندن خارج قالديني — امور ضروريه دايه محتاج دکدر —
 بعض امور طبعيه واردر که شرع مفصله نظراً مباح اولديني حالده شرع بمحلجه مثبت
 ويا منفي بر قيمتي حائر اوله يايير .

(اسلام مجموعه سی) نک اون ايکنجي صاييسنده [جوازک احکام شرعيه دن
 اولمديغنه دائره مقاليه سی مناسبته] عنوانی محترم منصوري زاده سعيد بک
 اقدی بي تعقیباً يازمش اولديغم مقاليه مک (سبيل الرشاد) ک (۳۰۳) نومرولي
 نسخه سنده بر ذات طرفندن تنقيد شرقيه مظهر ايدلش اولديغنی طرف عاجزندن

انجق بر یحق آی صکره اوافق بر سیاحتدن عودتده کوریه بیلش واحوال
حاضره طولایسیله مجموعه مزك موقتا غیوبی جوابك بو کونه قدر تأخریه
سبب اولشدر .

مقاله مك باشی (جواز تعبیر دیگرله مباح) کله لری ایله باشلا یور ایدی که
بوراده کی مباح، جوازی تفسیر ایچون دکل بلکه هر زمان جائز ایله مباح آره سنده
تساوی بولمدیغنی افاده ایراد اولمش و آچیقدن آچیغه بو عدم تساوینك قصد
اولدیغنی کوسترمك ایچون (تعبیر دیگر ایله) دینلوب (یعنی) حرف تفسیری
قوللانیلماش و طوغریدن طوغری یه بو مقصد اوزرینه یورینش ایدی .

فقط بو ذات کندیسنی قایدیرمش اولدیغنی حسن الزام سائقه سیله بر آز
دوشونمکه ، معنایه نفوذ ایتکه وقت بوله مقسزین کله اویونجاقلری یامش
و بوراده تکرارینی زاند کوردیکم دوت بش سطرلق جدال انکیز یازیلریله
بکا کندی تعبیریله (سلاح علم شریعت اولان اصول فقه ایله هنوز توغل ایتش)
اولدیغنی سویش و بو کله اویونجاقلرینك داها چوق (علم اشتقاق) ایله دکل
(فلسفه فقه) اولان (اصول) ایله اوکرمیه جکنی و حتی بو علم ایله بنم کبی
هنوز توغل ایدنلرک بیه میه جکلری قدر بو اویونجاقلرک (اصول فقه) ده حائر
اهمیت اولدیغنی ارشادات فقیهانلریله بیایدیر مشارددر .

جوازاك احکام شرعیه دن اولدیغنی مطلق اوله رق میدان علمه وضع ایدیور
وناقدین علما طرقدن متققا قدح اولتان (تدلیس) جهتی ده براقیور ایشز .
(تدلیس) مشریدن متاعك عینی اورتمکدر . اهل حدیث اصطلاحده
دخی (اتصال و صحتی ایهام ایدر بر لفظ ایله اسناد حدیثده کی خلل و انقطاعی
کیزله مکدر) که بوده (تدلیس الاسناد) و (تدلیس الشوخ) ناملریله ایکی یه آریلور .
چوق شکر بز مقاله مزده صحتی ایهام ایدر بر لفظ ایراد ایتدك . و مقصد
یمزی ترویج ایچون بویه بر حرکتده بولمقدی . هیچ بر کیسه یه اسنادیمزده
یوقدر . بز قدرتمزك یتدیکی قدر تدلیس دکل تنویر حقیقت اوغرته چالیشیورز .
اوت ؛ (امام غزالی) (المستصفی) سنده بو مسئله یی بغداد و بصره [*]

[*] بغداد معتزلیلرندن مشهور (کبی) نك (کمال بن عام) ك (تحریر) نده کی

معتزله سنی ازمه سنی تقریق ایتمکسزین ارباب اعتزله اسناد ایتیش ایسه ده بو کی مسائل فرعیه نیک اکثریسنده اصولده معتزله دن بولنان فقها نیک سائر فقها دن داها زیاده قورقیه حق بر جهتلری [*] اولدیغندن وعلی الا کثر برابر کتد کارندن بولنی مباح مسئله سنده معتزله دن مثلاً (کعبی) نی تعقیب ایتیش اوله ق بیه بونی تصریح ایتامک بر تدلیس ماهیتی حائر اولماز ظن ایدرز .

حالبوکه بزوم مسئله ده کندی کندی مزه یورپیورز . فکریمزک (المستصق) دن آلتش اولدیغنی سولیک قیاسک اشکال معروفه سی داخلده اداره کلام ایدن ذاتک سوزلرنی (شمسیه) ویا بشقه بر منطق کتابنه اسناد ایله مساویدر . بر خیر جوهر ایچریسنده سولیلان سوزلرک بری برینه بکزه مسی طبعیدر، ضروریدر . بو ذاتک یازدیغنی انتقاد نامه سنک همان نصفی تشکیل ایدن یازیلر مده بولدیغنی بر تناقض تحلیلی واردر که او قودیم وقت حقیقه باصره مه بر امنتسزک حسی ویردی .

تناقض هر نقطه ده متحد اولان ایکی قضیه دن ایکی مختلف حکم ویرمک دیمکدر، یعنی متغیر بولنمان قضیه لره ایکی مختلف حکم ویرمک ایستیرسه البته تناقض کوریلور . تناقضده عمده تغایر درر . ایکی قضیه ارمه سنده تغایر بولمیلدر که تناقض کندی کوسترسین . بونک ایچون ده (وحدات ثمان) دیکلری وحدت لک بولنماسی قاعده سی تأسیس اولمشدر . اوزون اوزادی ؛ تحلیلدن صکره کیم ییلر ناصل اولدی ده بو ذات (نامتاهی اولان احکام مباحه امور شرعیه دائره سنه الینه ماز) دییه زیده ایتدکلری سوزیمزی (فعل و ترکنده مجازاة اولیان مباح فعللری اجراده مکلف مخیردر . دلیل سمعیسیله ر**] افعال نامتاهی

بیانی اوزره بومثله بی صورت تلقیی دیگر ارباب اعتزالک امام غزالی (طرفندن بیان اولنان صورت تلقی وقبوللریله بردکلدر .
[*] نظام کی بض معتزلیلر مستثنا .

[**] بوراده مدلولی دلیل یرنده استعمالزده کوزدن قاجیریلوب بویوک بر خطا ایتیش کی سرمایه مقال اتخاذا اولتیش اولدیغندن هرمانکی برسبب ادبیدن طولانی مدلولک دلیل ودلیلک مدلول محنده استعمالک شایع اولدیغنی سولیکه مجبور اولدی . عربجه ده بو استعمال بر قاعده کی معروفدر . نه کیم (محمود الانطاکی) علاقه نام رساله سنده بیکرمی بدنجمی ویکرمی سکرنجمی علاقه اولتی اوزره دالیت ومدلوائتی تعداد ایتمکده در .

اتشاییه اباحه سی حکم شرعی تحتنه آلمش و بناءً علیه مباح فعللر احکام شرعیه دائره سنه کیرمش دینیه جک اولورسه) دییه بشقه سی طرفدن ایراد اولمسی تصور اولتان بر معارضه متصوره ایله متحد بولدیلر؟!.. متحد بولدیلر ده بوندن عامیانه وعامیانه اولدینی قدرده مز یقانه بر خطابدن صکره نامتاهی اولان احکام مباحه امور شرعیه دائره سنه آلتیر) دیمش اولدیغمزی چیقاردیلر؟!.. و ناصل اولدی ده (فقه بیلن بر کیسه بویه سوز سویلر) دییه منطقک تناقض بحثی (فقه) ه صوقدیلر؟!..

بز اویله بولیورزکه (الزام مافیه کلفة و منشفة) دییه تعریف اولتان تکلیف (مباح) ه صادق دکلدر . مباح ایله تکلیفک معناسی آره سنده مبانیت واردر . (مباح) ده شارع طرفدن الزام اولتان بر کلفت یوقدر . او طور مق ، قالمق کبی حرکات طبیعی و حیاتی ده انسان اوزرینه بر کلفت تحمیل اولمش مکلدر . بناءً علیه (مباح) احکام تکلیفیه جمله سنه داخل اوله مازا اعتقاد حقیقی اعتباریله و ده تغلب طریقله دییه ویریلان جوابلرک اعتراضک قارشو سنده محافظه سکوت ایتملری اولی اولدینی آشکاردر .

نافی نک اقامه دلیله مجبور اولوب اولدینی بو ذاتک ده سویلدیکی کبی (امام غزالی) نک (المستصفی) سنده بیانه کوره اختلافی اولوب مختار اولان (امور ضروریه دن اولیان منفیاتک - دلیلسز بیله میه جکی) یعنی (امور ضروریه نک دلیلسز بیله جکی) درکه نه ایشلمسند ثواب و نه ترکند عقاب اولان یمک وایچمک و سائر کبی امور ضروریه مباحه نک هیچ بر دلیله محتاج اولدینی و حقتده نص آره مغه لزوم بولمیدینی آشکاردر .

امور ضروریه حیاتیه بی تکلیفات زمره سنه ادخال ایتمک حکیم متعال حضرت تدرینه عبث اسنادینه قدر واریر . امر اقتضا و طلبدر ، مباح ایسه غیر مقضیدر . غیر مقتضی اولدینی کبی تکلیفات زمره سنه داخل دکلدر . انسیاقات طبیعی بی احکام تکلیفیه دن عد ایتمک صیت نبی دویمان کیسه لرک مثلاً احکام تکلیفیه دن

مع مافیه بو کبی مناقشات لفظیه بر فائده علمییه بخش اتمیه جکندن شایان التفات اولدینی وارسته اشتیاددر ،

اولان اوروجی طوتمدقلری و نمازی قیلمدقلری کی تکلیف و ورود ایتهدن آو
 اولاناملری و او طور و ب قالداملری ایجاب ایدر . مع ماقیه بعض امور طبیعی
 وارد در که شرعاً فعل و ترکی مساوی یعنی تکلیفات زمره سندن اولدینی حالد
 عرف دینیلان شرع مجمل آکا مثبت و یا منفی برقیبت ویره بیلیر . مثلاً فرد
 نظراً ملبوسات و مأکولاتده حد اعتدالی کچمک مباح اولدینی حالد ؛ احکام
 تکلیفیه دن دکل ایکن جماعت آنی قیج کوریر . و وجدان عمومی جه موقع قبوله
 کچمز . بوحال عموم نظرند اصلاً کراهندن قورتیه مز . و هیچ بر جماعتک
 بالعنوم افرادی مسرف دکلدر . تنزه محللرند کز مک مباح اولدینی حالد
 (عرف) علماتک بوحللرد کز ملریشه دائماً نظر کراهنده باقده در . دیتک که
 شرع متعلده کی تکلیفات زمره سندن اولیان بر جوق شیری شرع مجمل دیدیکمز
 (عرف) تکلیفات ادخال ایدر که . بو حالد عرف (خطاب و منفی) موقعنده
 بولسور دیمکدر .

بو ذاتک (حق قبول ایتلی) دییه مقاله نك صوکنده کی جاهیه موافقه
 بزده کندیلری دیسه لرده ؛ دیسه لرده حق قبول ایدن و دائماً حقه طاپانلردن
 و محراب مساعیسی حق اولانلردن اولدینغیزی سولملکه ختام ویریرز .
 بایزید در سعاملردن

شرف الیه

جوازک احکام شریعہ دن اولمادیغنه دائر

— از میرلی اسماعیل حق بک افندییه —

اسلام مجموعه نك برنجی جلدنده «جوازک احکام شریعتدن اولمادیغنه دائر»
 عنوانیه تشرایتمش اولدینغ مقاله یه ، از میرلی اسماعیل حق بک افندینک محترم سیل-
 الرشاد رساله سی واسطه سیاه مقابله ده بولتدقلری کوریلدی ایدی . حق و حقیقتک
 ایضاح و اظهاری مقصدیه مدافعه و مقابله ایتک زمانتک آرتیق حلول ایتمش
 اولدینی ظتده یم .

معارضه نك برنجی مقاله سی ؛ جوازک احکام شریعتدن اولوب اولمامسی